

Oll Fritz unn de Saldoat.

Oll Fritz — Jungs moal de Mützen af!
Deerns moakt 'nen deepen Knix! —
Det is en Mann, den't süss nich gaf,
Kümmmt ook nich wär so fix.

Oll Fritz — ä! wat sack Ju vertelln,
Wat Ju all lang bekannt,
Wat all Historjenböker melln
Int dütsch unn utländsch Land.

Nä, wat mi sülwsten is passeert,
As ick noch woar Saldoat,
Det will ick Ju — nipp togehört! —
Vertelln, unn merkt Ju't goot.